

□ المعلم جممل □

- خلاص .. افطر وتعال اشرب القهوة .
تناولت إفتارى وتلكأت بعض الوقت ، وفوجئت بالمعلم جممل على
باب زنزانتى ، ونظراته تمسح الزنزانة وتتفحصها ، وقال فى لهجة
ساخرة :

- هيه دى زنزانتك ؟ .. مش عيب تبقى كده !؟

- داكده رضا يا معلم .

صمت قليلا ثم قال :

- ناس ما عندهاش دم ، هو انتو حرامية أو نصابين ، داننتو من غير
مؤاخذة سياسيين ، يعنى كنتم حكام فى يوم من الأيام ، ومين عارف ..
على العموم الدنيا ما بتدومش لحد !

خرجت معه من زنزانتى فاكتشفت أنه أعد مقعداً آخر إلى جواره
وعندما ألقى نظرة على زنزانتة من الداخل ، أدركت سر احتقاره
لزنزانتى ، كانت أشبه بحجرة فى فندق ثلاث نجوم ، لا ينقصها إلا
جهاز تكييف وجهاز تليفزيون لتصبح فى مقام الخمسة نجوم .
ووجدت فى الداخل سجينين عرفت من المعلم جممل أن أحدهما طباح
يعمل فى مطعم شهير قبل سجنه ، وأن تهتمه هى الاتجار بالعملة
الصعبة فى السوق السوداء . أما الآخر فهو بلطجى ومحكوم عليه
بالمؤبد ، وتهتمه القتل المقترن بالسرقة ، ونادى المعلم جممل على الأخير
وأمره بإعداد فنجان قهوة للأستاذ من البن «بتاعى» ثم التفت نحوى
وقال :

- على فكرة أنا عارفك كويس ، وكنت باقرأ لك مقالاتك «ونطق
القاف كافا» وعلى فكرة أنت ساعات بتتكلم فى الصميم وساعات لا ..

قلت للمعلم جممل :

- حسب الظروف يا معلم !

- مفيش حاجة اسمها ظروف ، لى عاوز تكتب فى الصميم على